

忠雅堂詩集

喻義齋少作稿

壬申

鉛山 蔣士銓 清容

自鄱陽移居南昌

洪州百年屋，兄嫂之所居。別購十畝宮，爲我新室廬。移
家去芝城，繾綣八載餘。泛泛三百里，家身隨圖書。蒼南
有古樟，廣蔭遮修衢。風吹東湖水，碧漾墻東隅。我生老
屋中，二十八，各諸自營。乳燕巢心，愧反哺。誰傷哉，說堂
構，栖托終何如。

出門

門外喧闐計吏車，又從南斗望京華。東裝不見爺呼子。

侍母初同婦立家澹蕩人隨尋夢蟻飄零身逐落巢推
泪痕針縷傷懷絕可博泥金幾字斜

○江行

千里江流萬點舟笑聲西向指神州書生到處談奇遇
孝子今年諱遠遊汀草似含螢樹綠桂輪新換杏花秋
人間第一科名貴回首高堂只獨愁

彈冠圖

解朝賓戲語非真結綬彈冠事又新主得賢臣宜作頌
生逢聖代敢憂貧魚龍起舞覩何術龜策前知信有神
料理椒蘭焚蕙帳綠蘿門外待朱輪

讀南史

慕。弒相尋競滅亡。弱體腥帶粉脂香。皇天好殺非無故。
亂世多才定不祥。六代文章藏虎豹。百年花月醉死央。
南朝幾片風流地。酒色乾坤戰馬場。

望江上諸山

宣開萬象出。徑豁兩峯對。一磴穿青雲。曲折曲晴晦。境
幽。寡人跡。踈磬出。鳥背僧樓如點螺。古佛觀自在。遙知
深塢中。有客對飛瀨。誰聞廣長舌。泉聲發虛籟。名山念
所歷。佳遊與心會。發興可忘言。思尋陶謝輩。

烏江竹枝

亂摘山花滿挿頭。三朝新婦亦嬌羞。儂夫那及虞家婿。
不跨烏驢只跨牛。

柳陰何用渡。舫橫絕似銀盆。弄化生儂坐浴盤。來往熟。
喚卽聽取弄潮聲。

赤脚衝泥布裹頭。青裙行儘賤雙鉤。誰家新婦弓鞋窄。
添却卽君一世愁。

家家健婦把鋤犁。終挿青秧又灌畦。下似江南採桑女。
陌頭愁做使君妻。

織屨同卽替換穿。相從勞苦亦相憐。桔槔聲裡雙雙影。
合與見夫號肩肩。

烏江謁項王廟

喑鳴獨滅虎狼秦。絕世英雄自有真。
媼上肯綮。天下笑。座中惟覺沛公親。
等閒割地分強敵。慷慨將頭贈故人。
如此親身。猶洒落。憐他功狗與功臣。

凜然生氣照江東。垓下遺歌壓大風。

秦烏雅

失鹿尚能奔父老
在相能救野推通

欺人決不是英雄。亡姬不論人心論。成敗那無清泪哭重瞳。

再過四女祠

然竹曾經讀舊碑。枯槐猶記影垂垂。
塙陰斷碣分明在。愁絕犍牛孺角時。

門影空堤尚可尋。盡衣泥剝蘚苔侵。漢時明月經天在。
留得荒祠姊妹心。

別鶴離鸞總未知。凱風真可愧男兒。曹娥心跡同千古。
不得才人絕妙詞。

失路入小園。解鞍少憩而去。

小圃烟霞闕柴門。竹樹交掠空鶯試羽。選樹燕分巢。更
灌園中菜童。編屋上。邪行藏判同異。未許賦于郊。
雲氣爲朝暮。山容互淺深。花繁移宿蝶。果熟墮春禽。暫
駐征人馬。難求隱者心。黃塵飛十丈。門外角聲沉。

野濶天爲幕。風行土作雲。地荒城郭短。途轉稻梁分。陋
俗言多侮。飢人馬自羣。相逢燕趙士。不見望諸君。

廢壘蛩尤盡。昏霾苦戰餘。迷途方裹足。陸海竟沈車。萬
馬爭雙轍。通城接太虛。層霄風力勁。積霧一驅除。

宿良鄉有懷

亂轍千盤樹。兩行瘦童羸。馬太郎當林。端葉下三更雨。
衣上塵鋪二月霜。吹角樓臺燈黯淡。懷人狗吠踏昏黃。
家山更比銀河遠。差勝牽牛未服箱。

相交圖

名山不可買。各有一枝栖。事外存餘想。圖中且共携。同

心交自久高興物難齊應拭浮雲眼胸頭去吟哇
予野得同人依依畫裡身蒼茫傳古意結契及佳晨宦
跡難常聚幽懷日與親偕遊曾點志各各抱天真

董恒巖太守芝龕記題詞

格

西河特筆志蠻司更得才人絕妙詞不用千金教歌舞
明朝傳遍郢中兒

降旗獵走蟲沙不見宗爺與岳爺盡取美人各馬像
寶刀如雪滾桃花

督師家少長城養賊寧南死員君可惜官家相見晚
中原誰似女將軍

豈有摩崖片石傳
讓人開國畫凌烟
紅顏不具却侯骨
老何蓮華証上仙

玉貌花驄勇絕倫
木蘭原是女兒身
三生歸與曹娥証
怕向沙場吊鬼燐

仙佛荒唐或有之
因緣響應是微詞
百端動我茫茫感
此得人間有導師

滕王閣下騎如雲
巾幗真宜贈領軍
曾向寧江吊蓮舫
怒濤嗚咽不堪聞

監軍都押侍中貂
破碎山河誤廢朝
忍看殘棋如此結
黨人冤魄可曾銷

空勞詞賦動江關。下第仍從塞馬還。枵腹平生忠孝泪，一聲牙板一潺湲。

松雪秋塘小幅

橫塘秋柳蕭疎裡，踏波競浴鳧鷖喜。嫩槽不到浪花澗，時被漁歌一驚起。細葦新蒲意思閒，相呼相喚戀溪淺。渚烟汀月從頭數，似在燕南趙北間。

題觀瀑小照

絕壁翠相倚，不知何處峯。相看千尺瀑，常憶一枝筇。風過吹晴雪，潭空落玉龍。定知吟客在，身爲白雲封。

積雪匡廬外，秋河鴈蕩邊。直疑滄海水，傾向亂峰懸。過眼

多圖。披圖一灑然。應疑人境裡。同見此山川。

九月十日偶然作

一題多什二者之意。病剛存。首句較精。當未。作。意。為。好。

鳥飛三匝聽堪驚。獨擁秋衾賦短檠。未肯受憐因作達。
不堪回首是知名。逆風留滯誠何意。皓月分明大有情。
秋實春華俱物候。文章小技莫相輕。

空言萬馬避驂驩。轅下名駒顧影羞。獨使前賢爭悅惜。
不成進士也。風流歸心夢裡忘。今夕書味胸中似暮秋。
三十成名應未晚。羣公爲我底須愁。

未許簪豪賦上林。長安落葉下霜砧。投珠又墮鮫人泪。
畫荻難酬母氏心。筠籜孤生憐孝筍。羽毛加護愛文禽。

九原可念功名薄。泣誦遺詩痛不禁。

先君遺詩有此身落得無辜
柱世上功名付汝曹之句

小院蒼苔寸寸深。卧遊隨處見山林。詞人下第原佳話。

烈士悲秋是壯心。天遣龍蛇爭隱見。誰司魚鳥判飛沈。

塵埃能使文詞賤。安得相如賣賦金。

南去賓鴻喚影依。幾家慈母盼金泥。千般位置天難測。

一代才華命不齊。人耳秋虫來夜靜。愁人明月共深墜。

茫茫眼底皆歧路。只有還鄉夢未迷。

底事芙蓉怨不開。蟄虫猶自待驚雷。俗塵染我居無竹。

春氣遲人探有梅。小蹶難辭依枳棘。前身曾憶住蓬萊。

玉皇不記頑仙謫。香案清曹可念來。

仗策惟須及盛年。天涯彈鋏悵期愆。君臣際會當由道。
文字遭逢亦待緣。未必巖阿皆遠志。可能霄漢盡飛仙。
團團皓魄無虧缺。顯晦陰晴是偶然。

無嫌冷澹閉柴荆。捧檄居然讓老成。敢視一官爲捷徑。
恐教百里負蒼生。絕交漫速山公謗。不字聊占女子真。
今向高堂分績火。三冬文史再經營。

斜陽歸路任長歌。側帽依然瘦蹇馱。不信文章憎命達。
天勞山水笑才多。尋秋自覺清如許。聞笛誰當喚奈何。
仕宦他時知不免。敢隨同輩怨蹉跎。

李子原無負郭田。中年憂患苦迭遭。何須感慨爲佳耳。

縱不悽惶亦黠然，鄧禹笑人何寂寂。
鮑君知我獨岑岑，國門好訂重來約。
只在萸香菊嫩邊。

少司馬裘漫士先生席上為歐陽瑤崗侍御題竹淫書屋圖

山靈遙佇讀書人，萬疊烟嵐濕墊巾。
歸去重開五千卷，匡山居士是前身。

手荷鴉鋤口誦經，烟鬟婀娜在牕櫺。
南歸安得騎黃鶴，負米從君步洞庭。

陶然亭

蕭爽開平遠，其如瑟瑟何。
抹疎葳蕤少，亭小得秋多。
載酒幾人到，携琴珠可過。
商聲何處覓，應種竹緣坡。

林皋

林皋見孤潔明淨出烟巒乍覺西風濶平分野色寒虛
亭藏物候老樹愛平安不見登高者題詩一倚欄

秦劍泉廷對第一口占却東

宮袍新染御香微一日聲名滿帝畿太息輞川詩句好
貴來方悟此人稀

秦九香名白下知十年潦倒苦驅馳明朝禁闥分蓮炬
莫忘燈前畫粥時

秦淮水色碧於油艷說秦嘉是杖頭添得幾家思婦泪
望夫山上不成秋

送人赴河陝

杏林橫放曲江春。帽影鞭絲又一新。奇士終能登上第。
有司不幸失才人。兩河中断猶通汴。疋馬西遊許到秦。
莫更醉櫻嚴武怒。簾鉤難得掛冠頻。

積翠圖

橫側見窈窕。危巒自呈秀。谷中青叢叢。木與山俱壽。
葉知氣候殊。根含雪霜茂。峯桐百尺餘。園椿八千後。不知
種樹翁。靈苗孰爲授。幽禽樂深翠。閒雲亦相覆。高蔭落
春澗。毛髮泉可漱。振條息清響。小坐免清晝。南薰許道涼。
應携一節瘦。

留別裘超然次韻

衫袖霽痕碧似苔斜陽驢背又低徊
催人歲月堂堂去病我風塵故故來
寒餓自彈將母淚蹉跎汝是出羣才
離情酒味都嘗遍懷抱如斯那得開

仰屋悲來泣復歌獨煩天意費礪磨
依人久笑科名賦閱世徒增感慨多
或有神仙知脉望料無天女伴維摩
明年飽食離支去瘴雨蠻烟奈遠何

河橋烟柳漸凋殘同調君知范叔寒
去燕來鴻愁冉冉炎風朔雪路漫漫
妻孥苦念孤身弱僮僕翻驚一第難
紅燭三条痴夢醒瑣闌辛苦太無端

寒榻

主簿參軍各喜嗔，秋風愛起轉蓬身。
才多誤我為窮士，情至憐君亦恨人。
寒榻共聽前夜雪，寒驢同踏六街塵。
樊樓燈火聳橋笛，醉煞誰家錦瑟春。

垂鞭

衣上輕冰鬢上塵，垂鞭滋味劇酸辛。
尖風如箭沙如雪，絕似明駝出塞人。

雞栖四尺作車箱，去燕來鴻道阻長。
如此秋風如此客，幾人回首不思鄉。

緜袍

疲軍再敗等遁逃。倒載干戈說建橐。海內士纔收傀儡。
車中人似卧波濤。蓬麻廢堡炊烟絕。風雪柴門酒價高。
莫笑南冠是窮客。禦寒猶有一絺袍。

題破驛壁

拂拭衣塵酒對斟。歌斜雪屋一燈深。知書已抱千秋志。
北國徒存十載心。草秀空山雞結佩。樹依喬木易成林。
為君醉寫衙齋壁。折盡平生是苦吟。

塵土

腰版終年手倒持。一春塵土在鬚眉。用非其志材難展。
壯不如人老可知。官滿便堪投劾去。家亡真悔入山遲。

龐公上塚傷孤另。難忘當時唱伏雌。

過青州訪槍門先生遂留山左學使幕中

駐馬解征鞍。尋師到杏壇。五年思杖履。一第愧艱難。滿引經帷酒。依然國士看。掀髯舉三爵。勤我罷長嘆。海光明使節。嶽翠轉前旌。再作囊中處。因辭嶺外行。談天齊辯士。習禮魯諸生。敢縱南樓目。難勝望母情。

蒲瑩題使者行館壁

碧玉溪流抱郭青。斜陽枯樹露郵亭。水連蓬岳仙爲使。天入青齊客是星。鴈橫酒香霑禿袖。畫廊燈影接虛櫺。照人可惜無寒月。樵鼓隆隆隔岸聽。

雙旌按候早停驂得得疲駭笑客館捲地塵沙同塞上
小春風日似江南宜人館樹勞筋戀曉發星霜短夢酣
記取征途何處好幽栖惟許燕鴻諧

曆下十二月十四夕感占以是日為小女寧意去年殤期也

隔歲尋思倍愴神宛然嬌病戀慈親熏籠火灺燈花暗
恍爾年時化去身

朔風輕折玉萌芽根觸殘年涕泗加知向來生取戈印
眸盤今日在誰家

痴龍珠矢怕重提斷盡柔腸是瘦妻料得燈前翻蕊歷
空房偷背老姑啼

小塚應存覆釜形。鄱陽春草一回青。城西老屋更新主。
烏柏門邊莫再經。

還念閩人吉夢成。佳兒想已誕長庚。前因未了猶堪續。
得尔探環勝復生。

接家信知十一月初十日舉子

剪鬚看家書。風塵百感除。孤兒欣有子。一索報充闈。屬
祝顏殊我。犁憂續似予。歸時定趨避。未解執爺裾。

除夕

北風橫空來。草木盡南向。吹我懷母心。直至高堂上。風
迴心獨苦。念之實悽愴。羣鳥皆養羞。墜戶有佳况。如何

遠遊子甘苦歎走壤染盛誰與供惟速西鄰謔射鷹且
知祭母乃葛伯於

寒燈耿虛室獨坐聞歲鼓豈知層酥酒飲之味逾苦歡
聲四鄰動爆竹靜可數他鄉二三客對影各自語迷知
蒲堂中婦已具鴛黍此時老母意深杯可能舉

喻義齋少作稿

癸酉

鉛山 蔣士銓 清容

雜詠

堂三十一首有一字語裝古詩感遇陳禧而名一
一掃一切人或著其才勤甚其苦此事不

張帆縱大海人主頗似迴風來無定理乘勢為安危飛
渡亦云樂前津渺無涯豈無柁泊心一發可呵等後溺
良可免履順險則隨回浪

嗟來可調餓盜象可叱

娘異寒蟬物性下可奪

得所欲悠然見始末

貧妻力操作富妻習按便不知天地心何

淫育本性美醜異顏面豈無幽蘭姿色隨處

冬青花雪中時一見

平疇無公田望兩皆及私豈知農夫意國家恒賴之
秀恐害苗老幼不可飢旱潦托社稷陰晴誰得持
祭田祖貓虎各有司螟螣生地中詎傷皇天慈

辛苦畊者婦荷鋤饑東華拮据赤日中面黑頭髮焦
云氣力薄暫分夫塊勞夫勞亦何惜所懷在良苗鳴鳩
喚時雨尔音誠啜啜休辭口卒瘠祇恐天聽高

所遭非伯夷誰能樂其饑有田六十畝陋巷誠可怡
明賦乞食放達情亦悲資身已無策抱道能勿疑嗟哉

子陽粟禍患實倚之。顛順恐拂經安得如靈龜。

坐言起則行。惟辭以諱意。奈何後世賢。甘為文章士。于
時究何益。玩物實喪志。朝華夕已萎。其言固多偽。汲汲
揚馬徒。趨與賈董異。誰能握鉛槧。白首僅如是。

慨然出求仕。各抱利物情。官卑遠人主。效忠安得明。局
舉事趨走。名宦誰則成。沒齒沈下僚。自視亦蓬蒿。草木
托春暉。近光生餘榮。懷哉古賢達。出則為公卿。

古人未易及。不幸有可議。恒情樂攻短。羣口謀然肆。前
賢論已定。後生究何恃。百犬徒吠聲。行者寧返計。試存
易地思。幽獨但滋愧。

知已得一人。雖死不足傷。已且弗自知。擇交誰實臧。人
心如槃水。清濁豈有常。鑑物無大明。疑慮為周防。月中
畏影。髮愚哉。消蜀梁。

羣山倚暮色。秋氣從中來。欲顧不自明。但覺多悲哀。所
思渺何許。意念往復回。微月照古塚。精魂散蒿萊。每當
延佇中。窮達心盡灰。何術解繁憂。醉共劉伶埋。

昊天職造化。日月為旦暮。茫茫一氣中。何知有雲霧。萬
物處卑下。安能求其故。仰視當晦冥。竊為彼蒼懼。我登
千仞岡。雷雨出跬步。山高有常晴。茲理庶幾悟。

百物出創制。緬彼先民能。令人良好異。智力莫與增。彈

心規矩中。嘗愧才弗勝。後世無聖賢。中材奚足稱。奈何
文章士。小慧輒自矜。

一裘足禦寒。一羹足慰飢。狗欲無止境。愚者不為疲。百
草托雨露。豈待長林滋。醉夢貽子孫。徒令達人嗤。富貴
苟無德。不祥陰伏之。長者無耻心。市竊良可為。

亡人重死安。今人安無恒。妍媸皆可疑。以意為愛惜。立
志向下固。為善翻自懲。困鱗思急錫。貪餌遊寒罟。泉石
既出山。隨地分淄澠。高才不信愁。何用多知能。

我生聖賢後。立言已無楛。偶得心造語。古人復我完。落

筆輒自喜。博覽翻真然。著作積三篋。一朝俱下。區區

牛羊目見止方隅，
偏腐草承秋霜，
何以為壽年。
泔魚乃傷人，
悲哉聞之晚，
饑來陳百羞，
腥穢不可食。
窮年工文辭，
去道日以遠，
辛苦迴車人，
途盡始知返。

日月皆至明，
亦復相蔽虧，
君子互攻擊，
翻貽小人賢。
良任血氣，
毋乃背道馳，
一朝潰隄防，
狂瀾浩無涯，
嫌疑積禍患，
國家終受之，
大臣爭小忿，
其罪如窮奇。

惡人亦好名，
常恐君子棄，
惟清貴容物，
奈何觸其忌，
怙惡寧復惜，
好直將自累，
得為則誘之，
尚以禍且至，
緬懷聖門徒，
惡訐近乎智。

俗士學干祿，
居恒厭枯槁，
貴來無可為，
翻嗟入官早，
中

書苟伴食遇合那足道陸陸位通顯何如布衣老
遜世既無悶美必身後名利物志未達于世寧復爭大
言恐多忤聊可達死生閒居事憤激何足為重輕
蟻姑昧春秋蜂游迷曉暮鴛鴦獨求明焉知棲者惡獨
坐思悄悄庭柯墜清露薄寒中單衣念之亦滋懼

出門無令顏入門多饑色君子非孤生安能不謀食覽
鏡傷盛年歲月嗟孔孟懷土實天性塵鞅未許息終年
歎行邁骨肉苦相憶鳥獸亦有羣翔回感仰極日歸對
妻子脫身事耕織

萬物各處逸天地居其勢何者為造化生殺乃精拙洪

荒闢人世變滅紛牛毛就中立尊卑賦命任所遭大患
在有身世網不可逃聖賢多寂寞我生誠秋毫忽忽百
年內未免歸蓬蒿

混沌不可復鴻鈞氣亦薄一治易一亂何如返寥廓人
生如大夢醒後更何若精氣苟不散將復有所托會當
求化工冥然絕知覺

生非不材木斧斤安得辭新削成器異貴賤侵判之同
根別枝幹尺寸乃異宜為用信偶然天地難悉知輪轅
與屏几勞逸誰使為處處豈樵蕪何事供晨炊

百卉樂春華及時爭一施不知歲有寒焉存後凋想落

葉既辭樹，翻翻不復上。從風入秋聲，猶能飽響。松栢
獨何益，兀立計尋丈。霜雪縱不悞，節序傷已徑。難酬雨
露恩，年々為長養。早竟君子是君

惟智可治愚，生人各有宜。讀書明世務，得時豈無為。弱
齡入都邑，傾耳聞怨咨。跋涉十九年，所歷皆可惡。攬結
步天下，悉民寒與飢。每觀鄉鄰鬥，激發為歌詩。幸有山
與川，時復蕩滌之。高言似無當，恐為俗吏嗤。抱此區區
心，濟物當有時。

嗟我負性剛，久遊事多更。閱世寡嗜好，逐逐將何營。譬
諸惡辭人，強之尋杯鎔。苟得一升酒，陶然有餘醒。誰能

側弁舞沈河令人輕

遊釣突泉

限韵

濟水隱現如龍行入坎出坎絕羈勒
澄波散作千萬泉
破險穿幽門喧寂水能上指尖本性
執鑿地竅同蓮葯
迅奮不受土脈制三窟齊開奏乃
若靈源聚力一飛迸
雪柱冰山分壘壁翻疑厚軸伏機
鼓連弩突射空淨的
聳壑聲隨雷出地吹葭拔比灰颺
笛飛揚散落通終始
入海波瀾起涓滴曾磨古鑑照仙
仗未許晴天飲雌霓
紅闌盡闌一映帶似在虛舟泛輕
鷗可憐道士慕城市
注腹潺湲厥領馘原泉有本不可
邊泥深沙淤豈能敵

只愁此地同蜂窠。蹴踏浮漚。防陷溺。泉水出山。那便瀆。
請看萬戶爭餘瀝。

龍洞山

拔地立城郭。壁面四圍俯。地底開龍祠。山根蓄風雨。傾
洒有餘潤。卓犖無寸土。石裂草木出。風過丹黃舞。橫歎
簇細竇。亂鴉奪門戶。龍君對開鑿。東洞側破釜。避秦竈
火絕。陽和至今貯。西洞受朝曦。貫壁徑可取。天眼一行
穿。暗漏每奔注。誰留面壁相。灌頂愁濕乳。業規透爇隙。
僧引前列炬。打頭識破碗。漬衣驗沮洳。入穴適蛟壘。脫
身全鳥鼠。兩崖兩扉抱。一拳一屏豎。徘徊壽聖院。摩崖

念初祖樵歸客始炊烟起鶴微怖深杯吸靈恠倒影怯
蛇虎茲山未云深昔至人已苦馬蹄遠暮寒出谷日猶
午

佛峪

出山循溪轉細路通巖坳攬轡秋林間人馬俱蕭：前
岡變壁立危厂虛空飄呀然虎豹口似欲因風嗥不造
西巒顛豈知山靈憂兩脅開四圍一臂伸中翁扼腕綴
僧屋亭小當拳高何來瀑布水挂練藏山腰錦屏隔橫
岫兩工不可招淙淙墜深塢疑是和龍迎吸茗夕陽除
坐數前峰樵雖與人境遠城市非迢迢僧老未逢官誰

解山林嘯

千佛山

隔城愛看南山層石屏橫展青稜稜出郭五里連平塍
中央細路直若絕長林側轉立一僧攀躋愈覺山峻增
田家笑客如蟻升樓閣挂壁嵐蒸戶牖羅列紅牆經
鏤山作佛龕寶承蜂房燦琉璃燈白日不照寒氣凭
巖前膜拜佛下磨座底龍洞碧乳澄是中_有龍誰得嘗
巒頭軒小宸賞曾開于昨被秋雨崩華山拔地秀色
凝鵲山藥山相儕朋秋容婀娜皆可矜妙手故尔煩吳
興秀兼吳越非譽稱平時萬頃溝洫仍傳聞舜耕語冀

憑地志母乃好事增茲山後與泰岱乘跨脊躡贅他時
登吾師遊興誠有恒一日一來吾亦能

晚遊古歷下亭

限韵

春水淥波平不瀉門外上船亭外下偶經御宿一攬
結佳氣隨風動簷瓦層軒虛敞納湖色展拓空明入平
野誰添畦畛界碁局區畫湖水未全打北地由來重烟
水倒涵城郭真瀟洒林腰倘肯着却店應有遨頭弄杯
筆晚烟着樹境俱遠水風吹面顏生赭坐久翻疑屋是
舟林低忽露山如馬笑聲隔岬亂清磬且復迴篙吓蘭

若

北極閣
在北岸

北極閣限韻

城內千頃綠城外千山色映帶城中十萬戶琳宮一覽
居然得眼前足底恣挹取眺遠何須更踰闔茶烟裊
出牕戶神燈照神神盡默須臾寒月散松影隔水茆茨
渺難即天教使院落湖側扁鐫心常愁偏仄徑須買取
沙棠舟夕涼朝游水精域試向城南望城北山郭人家
居澤國

會波樓限韻

人語散飛鳥身在城北樓表裏氣象殊萬態供冥搜
際兩峰矗勢欲因風淨其間戰鬥地繡錯交良罇柏登

土逾潤春氣膏腴留清澤澄遠林杪舍舍深幽裊裊炊
烟中冉冉征途脩入我浩蕩胸醞釀何油油倒身視城
脚燕尾開双游始知百頃湖出郭東西流雲淨衆山定
葉亂羣鴉投日斜倚虛籟吐氣成高秋茫茫眺遠目一
縱不可收

○西谿梅隱圖為沈孟公題

萬梅高遁西谿中不胥湖上隨飛紅近探尚僻遠曷從
筆植墨澆移天工槎牙到眼不可折是人足花百鍊鐵
隱君髻綠白過雪携之海畔尋子由安得同卧花間樓

吁嗟予季勞山頭

全弟松園觀奈
有芬山吟此圖

○九言題熊肖石海峰日照圖

君登蓬萊閣上看日出我來見君海岱惟青州風濤欲
出未出在襟袖開卷日色海氣俱油油夔夔蛇風未易
擬方寸一泓海水雖大同浮漚誰為陷此坤輿割中外
龜鼈魚鼈百恠相沈浮三山縹緲可望不可即五城恍
惚_之壯見神仙游托身荒遠當與靈窟近梯航至者盡不
多倭酋得無陽烏地底不得出假此空濶欲上窺蒼遊
朝曦夕照仰視無定理俯瞰得不反此為明幽蛟蜃唏
唏嘘歎欲太狡獪日光激射猶可成飛樓一峯老蒼居
然絕倚傍掉脚混濁不肯為倭僂天吳暗突山靈毋乃

矯潮汝震盪汝亦將奚求海中
之山歷歷似螺髻有時
龍女鏡裡迴清眸雲烟變滅
無數相對愁徒見碎聽駭
浪無時休古人夢飛貼日亦
偶爾鯨鰲欲釣可惜無長鉤

檜門先生書顏氏家訓一卷寄澗南中翰藏于家

命士銓書後

胷為邱陵作字如草木本根要待詩書滋點畫萌芽視
土脈勝地甲圻無凡枝名家體製各自得其人深淺恒
肖之品高學富始絕俗脫去畦町無常師吾師好學癖
嗜古饜飮萬卷猶苦飢一載呈軫歷齊魯訂證史籍搜
穹碑那須三宿枕籍玩自覺四壁星芒垂閒中遘興媚

幽獨心正不使豪端賦逸穉中舍靜者氣斌媚別具端
人姿練帟懶贈羊童子家訓特錄顏之推流光積厚極
古雅趣溢象外分豪釐寶墨藏家自足守退筆作塚將
奚爲後生慎勿愛野鷺玩詞觀字皆矩規

得饒二齋南元旦生子書用少陵赴奉先縣咏懷
韵作五百字寄之

楚士負勇敢鐵劔近已拙駿馬不可市毛縮力需契登
岱瞰塵海浮雲一何濶東遊漸忘疲雙眼得軒豁百憂
爭歲寒飲冰却中熱好學轉自笑立志尚貞烈感舊念
良友如以影隨月窮達聚苦難岐路翻屢誤憶昔見君

日文彩動列缺大旗樹深壘同學莫與奪子時蛭鳴窾
竊敢鼠門穴共充觀國寶輒欲涉海渤巍哉承明廬餘
子後先謁君當青雲騫我方白鷗沒拜服赴春官慷慨
慕風節擊鼓一再衰全軍為悽絕感君酌我酒浩歌若
俱裂慘淡話深夜清泪泉洑發南瞻念慈母衣上線猶
結別汝浩然返軒衡倚巖嶮閉身鷄栖隘轉軸蹄膏滑
歷塊從友生高味相和憂往復齊魯地車馬日膠轄山
川一留滯朱紫襍純褐故鄉渺何許骨肉夢中出豈無
擔石儲常恐甘旨闕來書報生子呱呱須乳活且復慰
母意誰能計凡物喜極痛我翁悲恨轉悽慄須臾得君

信蘭徵應側室春臨萬象啓恰產珪璋質房攏靄氤
祥風動柔瑟家人湯餅筵佐以合懽橘遙知渥注種中
具麒麟骨他時守遺經祖德定能述翁本大儒生兒
齊軾轡當翁教授時高名泰華元玉鹿角嶽嶽獨忌朱
雲折著書沈下僚儒林為勃率以茲君兄弟擣藻競飛
越以予情懷惡兀坐孫康雪為貧誠可任恐類鳩止渴
展書觀往古悠悠見始卒思親未能養對食敢遽咽
髮歷險阻叱馭度九折人生駒過隙榮辱皆倉卒樹立
求可恃小善詎矜伐沒世名不稱尔我固未屑辛苦
仲山錢為新野卒蚤竈下蟲十日非鷓撮

闕里

城樹周遭綠。宮牆萬仞懸。靈光紫草和。道氣長風。族
聚門人裔。庠分弟子員。欣蕊紅杏雨。來及暮春前。
皇天遺一老。獨許世家存。道德開時運。榮華及子孫。
瞻車服古。都忘帝王尊。應笑哀公謀。空從後復論。
林廟無今古。江山自草際。周公下復夢。宗國久成墟。天
欲斯文在。居看歷劫餘。泠泠洙泗水。長繞聖人居。

子貢手植楷

虬枝夭矯蠹不蝕。入地孤根一千尺。圓紋碧繡青銅錢。
良材以性出橫直。大賢昔登至聖堂。聰明高軼由師商。

心喪廬墓去獨後手植文木如身長霜皮雷雨數千載
一一老幹蒼龍僵風雷直遣鬼神護斧斤敢等山林傷
不親其人視其木樹表若見神洋洋我聞先師手藝一
株檜榮枯遞變濃陰大貞祐一火不復留孫枝獨挺元
人代乃知聖人精氣照日月區區劫灰不敢滅弟子精
誠亦若是封樹長教護碑碣即今鉄幹撐拄生機存老
蒼突兀涵春溫苔花香結古雪氣瑤色濯帶秋霜痕行
人下馬攀喬柯作杖戒暴如人何先民遺植得親炙
王展謁爭摩挲吾儕小子生也晚望古常憂去聖遠嗚
呼聖賢手澤千年萬年求不枯不見姬公塚上亦有西

周模

曲阜使院閤作中裝戲呈同人

驅馳真笑旅中忙，一月移居一束裝。
籃筍隨肩排雁陣，官齋由客占蜂房。
燈寒各據東西席，夢遠平分上下牀。
那得全無窮達感，與君料理鬢毛蒼。

參差土屋藉茆簷，積案輕塵衽袖霏。
暫住也如鴉選樹，深藏時學燕窺簾。
盤餐勉食甘猶苦，春袷侵寒減復添。
一樣長門恨淪落，銅魚無奈漏深嚴。

○送蘇谿

西向長安笑驂驢，又過都風雲期自有。
游俠市廛無入

世蛛懸網藏身客，隱壺年來同病馬。各各厭征途。

張素邨由鉅鹿移守保定却寄

邢臺清苑盡堯封，呼吸依然帝座通。百雉離天緣尺五。

朱瞞真傍日邊紅。

鹿引雙轅未許扳，柏人應鑄使君顏。由他京兆誇頭地。

自領中原刺史班。

五馬驕分御史馳，雙旌婀娜勸春農。裙腰綠到清官店。

太守依稀似盛顛。

朱顏典郡劇風流，官是才人政自優。合泛城南書畫舫。

亂荷香裡坐張桡。

鉅鹿曾尋豫讓橋。蠡吾幾度覓荆高。而今俠氣揮銷却。
磨鏡門邊賣寶刀。

破帽欹斜滿面塵。黃鷄白晝聽酸辛。那堪三十明年是。
歲：勞他鬼笑人。

憂患頻經一第難。填胸百感異前歡。直須歸去將慈母。
孺子亭東學灌園。

舊宅秋燈閃暗螢。醉斜烏帽怕重經。人生去住如風絮。
半入珠簾半作萍。

送龔鳴玉赴京兆試

五十力學心有恒。尚友不願時人稱。守雌恬然抱六籍。

不聞慨歎嗟沈升眼穿幽奧灼兩炬利爪獨出如饑鷹
羣儒是非劇聚訟平反折獄君才能析疑辨難得未有
貫穿竒快皆有徵名高數致卿相薦命達苦被文章憎
鴻詞經術兩黜落聞者一一悲填膺長嘯君翻客齊魯
秋燕入幕傷羈鵬尋師我亦擔竹笈促膝復作同聲磨
吾儕廢書喜耦語君獨把卷親明燈朝吟夕誦忘寒暑
兀坐注視頭鬢髻篇章膏液漬腸胃世上機械容何曾
愛君憎君那足較但覺俗士同蒼蠅翫辭余方極嘲戲
強君諧謔除哇唾寸陰暫擲君重惜得間即逝如脫矰
憐君神弊眼力暗奪君卷軸竊視仍夜闌酒酣仰天笑

指畫星宿揮以肱，冒暑今將逐秋試。結束巾卷雙行滕，
趙人尚女齊尚子。醫能從俗藥可禱，朝廷東觀坐龜董。
肯讓餘子紛騫騰，明春尋汝有重僦。發硯應見鋒稜稜，
吾聞越人見常見者喜不勝。况我與君西南朋。

7. 寄金澗南中翰及進與見清

鍛羽尋巢倦選枝，秋聲和泪入墳麓。非閑材大難為用，
自是珠多偶被遺。泣玉倍增前度感，看花已恨十年遲。
昔賢底事求三釜，不是同心搃不知。

故人猶記沈腰廡，宿草今為水部悲。聞有遺孤藍玉謂菊，
似負茲良友素車。遲過門腹痛情何已，感遇愁多醉不

辭。剩。有。山。陽。如。雨。泪。東。鄰。橫。笛。莫。教。吹。
燕。臺。再。把。荆。高。酒。星。權。曾。分。李。郭。船。執。手。看。君。如。昨。日。
對。牀。聽。雨。又。今。年。趨。庭。詩。禮。見。曹。慧。留。客。盤。餐。媿。氏。賢。
難。得。相。逢。容。易。散。夢。魂。迢。遞。落。齊。烟。

寄家書

三。一。潘。郎。鬢。欲。斑。黑。貂。留。雪。天。空。還。胸。前。應。解。宜。男。草。
加。上。尋。香。似。月。環。甘。旨。累。君。勤。績。維。才。名。負。我。滯。江。關。
年。年。未。得。眉。頭。展。無。復。當。時。鏡。裡。顏。

蓬。鬢。銀。釵。賣。已。完。猶。存。翠。袖。倚。琅。玕。將。雛。紫。燕。孤。柵。慣。
返。哺。驚。鳥。比。翼。難。別。夢。頻。年。都。潦。草。家。書。兩。字。是。平。安。

憐人只有經天月。夜夜空階照。秋歎。

秋夜

厭聞擊柝報嚴更。風慢秋斜一榻橫。早識愁爲底物。
不堪秋是可憐聲。園蔬摘後餘瓜苦。襪被東來感鷓鳴。
一樣家鄉歸未得。馬頭西向雁南征。

場上魚龍任偃師。夢中蝴蝶亦堪疑。春泥帶我輪生角。
秋杵驚人粟在肌。寒月乍明燈暗後。亂蛩爭語夜深時。
東鄰熟睡西鄰醒。各樣情懷各自知。

與張吟鄉秀才夜話

絳帷真愧愛知先。蓬轉星移感八年。忽漫雲霄隨漢使。

劇憐毛羽帶齊烟杏壇花潤經重蔭
蠶箔春遲已再眠
便覺輸君朝氣盛
畫樓初日較鮮妍

百鳥喧啾鳳一聲
風人咳唾有餘情
文章爛熳徵同氣
桑梓迢遙慨寄生
茗水出山俱澹沲
楚材晉用各縱橫
師門對誦虞翻語
已覺當時感激平

敢記披沙揀獨精
光舍金屑自熒熒

六月廿二日得吟師訣卷第一
楷門先生數賞置第一 偶經

接引蓮燈照終托
如來慧眼明
妙悟天花須解脫
大千龍象自崢嶸
清裁麗則紛流派
推激風騷是正聲

寄饒二齋南

君生庚子我乙巳
少君五歲為君弟
我為山麓君為梓

當時接葉參差開寒香向春脫冰雪病盡背日依蒼苔
三年一見齒繁心不問苦樂各看面朱顏雖後薄柳衰
壯氣頻隨風雨散我懷未訴別奈何燕市買酒尔飯軒
古來失路萬人泪斷續滴作桑乾河一載東征發長歎
襖被零痕秋雨爛可憐玉尺非我有亦復丹黃矜爛熳
遙知瓊院異今昔時分枝
亦北蘭隔牆舊夢應零亂者難望海
底珠梓人曾泣溝中斷使星照眼數同輩幾處門生侍
清讌絕倒巖奇歷落人下向京華騎款段

題縹緲集

楚天雲雨那須疑壯氣飛騰托艷思不信才人都好色

可知名將定能詩。紅蘭碧杜情無極。翠羽明珠感絕痴。
免得隄虞磨看鼻。將軍生幸太平時。

山寺

炎風吹不到。臘雪嵌空明。寒色經年聚。僧樓初夜清。
客來尋虎跡。鐘過失泉聲。惟底龕中衲。安禪少俗情。

大明湖權歌

冰壺署貼水雲窩。皎月湖光與盪磨。官燭下船衙鼓歇。
出門十步是烟波。

半折朱標卧綠苔。殘荷猶倚畫闌開。迴廊轉側看人影。
時有青裙押染來。

水神祠宇俯朱垣。擺列南山畫幃懸。試上樵樓轉身望
北門。秋在離華邊。

會波樓下水閣深。門內高橋似閨橫。一角水却數茆屋
暗移汀。嶼入山城。

北門鎖鑰不教開。水閘潛通漑水隈。下若迴舟向西去
離華橋畔看碑來。

中丞繡閣閱離宮。錦浪南流水殿通。誰識霜前一抹紫
從風曾作御溝紅。

歷下城中半是湖。居人分水種菰蒲。從教兩岸添臺榭
得似秦淮子夜無。

敗荷枯葦入。熱蕪殘臘新年興。可乘湖面十分。鏡露出。九分湖水一分冰。

此下丁剛

南岸天心水面亭。御碑中立影嶙峋。若安戶牖除榛蔓。便可風簷坐酒人。

王公薛公同荒祠。草滿香爐蘚滿碑。剩有清風被湖水。可游遊者未能知。

北極閣前游女多。芙蓉泉外濯纓歌。不知名士軒何處。秋月春花奈此何。

名士由來說。鄒魯美人自昔數。姬姜如何一樣垂。垂柳不似江南解斷腸。

勞山吟眺圖爲沈椒園觀察廷芳作

官近蓬萊自可仙
公餘登眺亦前緣
塵中自古聞人少
一望勞山一慨然

畫裡山從海上移
幾人名宦與如斯
吟聲直擊鯨魚起
想見先生曳杖時

揮笏浮螺島嶼連
平鋪海色盪齊烟
何須身到蒼茫裡
略認風濤已浩然

未向登萊逐勝遊
變從海客話瀛洲
披圖不道詩人瘦
衣上烟嵐爾許稠

題徐蕤齋看劍圖舊照即送赴京北試

匣中三尺水。眼中一斗泪。君家故物世罕見。鑄之或自
延陵季廉錫。錚然淬霜雪。削鉄吹毛只餘事。當今山無
長蛟水。無兕干。將雖神何足異。沈埋莫道津可躍。磨礪
寧爲時所棄。玉龍在匣光十尋。土花血鏽不敢侵。酒酣
卷袖試一舞。白月入電寒森森。是人足劍而奕奕。刺促
相有復相惜。長歌當哭笑亦苦。烈士悲來翻大噉。聞君
挾書未肯干公侯。君今復作長安遊。張華定識斗閭氣
歛之。天子隨琳球。我踏齊烟與君友。蔗杖盤擊門身
和局。眷真傷士心。酣呼欲取仇人首。畫圖面觀已昨
昔。寶劍年年照顏色。奇擊已足走魑魅。利用何須求益

賦。丈夫六尺軀。堂堂精神意氣。舍冰霜。他時許握青萍。
去。誓與吾君擊大荒。

了。秋日寄懷張驄士黃心六德州

勞筋真似服。鞍駒霧鬣風。繫歷塊餘夢。裡轉迷三日路。
客中相憶一行書。踈燈別館。蟲聲苦露井。荒垣月影虛。
誰念閉門秋雨後。杜陵林下欲生魚。

歲月驚心旅跡。羈天涯。索處倍難為。遙憐官燭攤書夜。
還似湖雲。心碗時。初日清華爭及。卽盛年漂泊已如斯。
鵲山寒食。明湖雨。只有來鴻去燕知。

八月十三日遊濟南城西張氏漪園

勞人出郭馬脫銜。厭聽市語聲喃喃。那知湫隘閩泉石。
展拓人境亭臺嵌入門。水木露明發。坐見石齒流漸漸。
樹根煮汲響爭沸。清味注腹殊酸缺。軒階向背合疎密。
露臺俯仰皆可覘。清濤如練抱城脚。女墻側放秋山尖。
虛堂曾與駐青蓋。亦覺花木增清嚴。下臺緩步倚方沼。
投餌一試羣魚饒。背廊覓徑最幽邃。樹隙日影浮襟衫。
主人世守妙結構。已知胸次異俗凡。名泉隨地湧珠玉。
玲瓏但少青巉。豈無達者戀邱壑。盛名清况知難兼。
上馬欲去柳拂面。僕隸何取俱迴瞻。

再遊釣突泉陪檜門先生平橋觴月

斜陽數騎投精藍。借遊不啻新倚驂。如逢舊書讀未厭。
勝地豈惜重來探。秋林增爽葉初脫。積潦稍減光猶涵。
種桃道士解相識。登閣梯級行能諳。須臾日暮暝烟散。
琉璃一點明花龕。此時見月不見水。客影泉影俱成三。
瀑響琮瑋境逾寂。酒鱗潏灑顏微酣。舊遊如夢憶南國。
歲華八易吾何堪。丙寅今夕小無定言
萬子補遺詩四卷百年快意豈多得。良夜若
此能~~幾~~貪星河入簷照。虛殿風雨滿耳鳴。空潭隔城簫
鼓出。瓊院矮屋多亡眠。春蠶據鞍入郭倚薄醉。街衢燈
細嘶風驛不須明日計晴晦。歸來熟睡蝸牛庵。

從檜門先生入武關喜晤同考官吳雪軒祖修鄧

眉州璞牛郇巷宗文韓湘巖錫胙有作

隨地清光湧月輪。冰壺分住亦情親。冥鴻欲去還留跡。
駿馬能奔定絕塵。五夜星芒交劍彩。一時猛切禱詩人。
暗中忽現朱衣影。我是文昌座後身。

繞樹猶看未定鴉。寒宵鷹隼欲盤拏。平分武庫填青眼。
得秀文星隱紉紗。別院蜂房開戶牖。青樽銀燭話年華。
閒人几席重閑月。聊為諸君坼幘斜。

分明小社結鷄豚。清讌過從勸瓦盆。暫脫簪裾覺禮法。
似偕賓從閱晨昏。食單飯釘候鯖味。瑣闥商量薛卞門。
認取他時圖像者。看頭磨墨那須論。

栖遲聚散本無憑。南北東西逸氣增。三度風簷一追憶。
七年同輩幾飛騰。天涯舊譜論兄弟。座上通門得友朋。
一樣勞筋成小憇。故應留戀短檠燈。

歷下感懷集杜三十首

出門日已遠。昨夜月同行。獨鶴歸何晚。秋天不肯明。哀
歌時自短。心蹟喜雙清。風物悲遊子。愁連吹笛生。

弱質豈自負。吾生亦有涯。歸心異波浪。遊子出京華。暝
色延山迳。江聲走白沙。歌長擊枹破。得醉即為家。

相閱征途上。慈顏望遠遊。寧聞倚門夕。減米散同舟。碧
海真難涉。蛟龍不自謀。蒼茫問家室。庶用慰沉浮。

詞賦工無益誰憐醉後歌居然成濩落亦恐歲蹉跎
沙汰江河濁叢長雨露多紫鱗衝岫躍力小困滄波
九月猶締綰安貧亦士常綠雲泥滓盡風逆羽毛傷
仰面貪看鳥論文暫裹糧斯人獨憔悴真宰意茫茫
白日亦偏照關山空自寒衆人責苟得吾道屬難秋
水清無底窮愁豈有寬平生飛動意雙照混養乾
回首載酒地通林帶女蘿人生不再好吾道竟如何
親故行稀少囊區望匪他燈花何太喜月傍九霄多
所向無空濶清光應更多猶疑臨照色且得想跋
軍吏回官燭深江淨綺羅沉思散會處猶有泪成

放逐寧違性。家貧仰母慈。栖皇分半菽。捨此復何之。水
靜樓陰直。叢卑春鳥疑。師資謀未達。從此數追隨。
海內此亭古。他鄉且舊居。秋蔬擁霜露。平野入青徐。靜
者心多好。人生亦有初。故人供祿米。看取北來魚。
客睡何曾着。相思泪點懸。清琴將暇日。歸雁喜青天。所
歷厭機巧。相留可判年。浮雲連海岱。自有一山川。
懶心似江水。自憐猶不歸。潛鱗輸駭浪。水鳥自孤飛。文
物多師古。榮華有是非。徒勞望牛斗。寒落寸心違。
層軒俯江壁。萬慮傍簷柱。天畔登樓眼。秋來為客情。山
風猶滿把。烏鵲自多驚。語及君臣際。中年召賈生。

自古有羈旅予截異隱湍不知雲雨散直取性情真人
事傷蓬轉無心耻賤貧悠然想揚馬北極捧星辰
古來聚散地忍對百花叢遲暮身何得關河信不通饑
寒奴僕賤質朴古人風壯惜身名晚長瞻碣石鴻
羈旅知交態淹留見俗情聖朝無棄物旅食豈才名妙
譽元宰途窮仗友生青冥却垂翅作意莫先鳴
態與鶩駘異公才或守性別離知不久賢聖亦同時薄
俗防人面論文笑自知高名前後事勸醉欲無詞
議論有餘地經書滿腹中斯文亦吾病相賀以成功洗
眼看輕薄分曹失異同巢多衆鳥門愁坐正書並

告歸常局促愁外舊山青玉國標多士孤槎自客星功
名不自立醉舞為誰醒氣得神仙過書生已勒名
用拙存吾道此生何太勞相逢雖衰袞回首與誰滯百
鳥各相命孤飛卒未高夢歸歸未得汀草亂青袍
十口隔風雪長貧任婦愁幸藉補茅屋會笑看吳鉞自
顧轉無趣真成浪出遊何嘗擺俗累從此具扁舟
慈竹春陰覆閨中只獨看思君令人瘦對食不能餐湖
鴈雙雙起山雲淅淅寒因聲置驛外持答翠琅玕
骨肉思書重深情托所親艱難隨老母感激異天眞精
理通談笑文章實致身神仙才有數寄語北來人

天用莫如龍青袍也自公經綸亦俱存談笑偶然同慘澹風雲會淹留戰伐功試看之子貴名玷薦賢中

獨耻事干謁江湖興頗隨寒魚依密藻宿鳥擇深枝之子時相見神農竟不知浩歌彌激烈道屈尔何為

不成向南國留滯敢辭勞鶴鶴追飛靜魚龍偃卧高山林如掃詩態憶吾曹何日霑微祿懸崖置屋窄

相逢成夜宿久坐惜芳辰遠客驚深眷儒冠多誤身田園須暫往龍虎未宜馴未縛剛知已來時各有人

真氣不可致春城海水邊不關輕敵冕何以報堯天同調差堪惜將詩莫浪傳故人何寂寞無計劖龍泉

名豈文章著，飄然思不羣。誰能共公子，忍必作參軍。帖
石防隕岸，低空有斷雲。羽毛知獨立，持以奉吾君。
東岳雲華起，高風捲柳旌。從來多古意，何得尚浮名。霧
樹行相引，春風草又生。江山如有待，鞍馬去孤城。

鳥影度寒塘

漫逞投虛翼，微風好自搏。亦知天水濶，終覺羽毛乾。着
眼迴翔共，修翎對話難。寄身忘物我，聊作鏡中看。
翮健凌虛便，潭清沸羽輕。升沈隨往復，色相本空明。未
解魚龍卧，何知風浪生。翩翩防失足，高處慎飛鳴。

○ 歷下感懷給諫座主馮先生

哭寢難寬十載情。九原遼瀾旅魂驚。待酬風義知何日。
便服心喪過此生。會葬實慚東漢士。傳經虛負汝南評。
夢中曾倚修文案。長歎聲中泪兩傾。

遺孤依母兩終童。枯樹寒鴉繞殯宮。身後可曾千卷散。
越西留此一家窮。河山彩蝕文昌宿。臺省人思御史聰。
宋。五年來苦搖落。招魂親到雒華東。

到京晤蘇德水遇龍同年

久別簪重盍相思。夢乍醒誰知秦博士。已注佛名經旅
食還如我浮踪亦似萍。渭城君解唱。只有故人聽。

一掬窮途泪。魂消古戰場。止寧臧氏泪。醒亦次公狂。顯

晦秋河似飄零白日長請看憔悴客容易負年光
三十行年共青袍不復新且沽燕市酒一醉龍頭人客
久交逾寡官微仕益貧天涯舊兄弟一見一回親

除夕過太常金先生宅守歲

官閣紅爐懶去圍朝衫獨擁坐忘機不辭冷澹今人笑
自覺喧闐本性違日走蘭臺聽畫鼓待隨仙仗拜鸞扉
宰官身是維摩現曾否天花一着衣

一度年光又此宵旅人懷抱感漂搖分明閱世同游戲
耐可尋師慰寂寥終歲齋期心自語一燈吟卷坐無聊
誰來共酌先生酒只許彭宣醉絳綃

息羽類防弋者窺相親何忍說相離

前四夕移寓王氏宅

移巢燕似食

華屋統樹烏仍戀舊枝雪案開從嘗膽後牛車來及退

朝時拈花底事微微笑迦葉如來各自知

脫穎曾勞國士知星槎處處載書隨崑岡玉蕊孤峯拔
長勺軍慙再鼓衰駟馬虛疑題柱妄一環應數報恩遲
前津幾許收帆際愁絕風槽半渡時

爆竹聲中歲兩更懷鄉思母豈無情長安客有終身住
百感心向一夜生塵世華年喧夢蝻朱門歌舞鬥侯鯖
誰知冷屋燈檠畔遊子悵然生到明

補遺 甲戌

和饒二雲圓雪牕見寄原韵

春寒夜縮捲牕龜龍公試手無人知
虛白生疑牖間積布毛起瞥空中吹
無衣怯下管寧榻有夢正削李迪髻
那知內翰厭朝寢獨培凍硯融輕漸
詩成禁體索我和白帶直欲乘人危
空齋攢眉方卷算殘編堆案如棼絲
層冰刺鏤窅何益退筆飽蘸無能為
豈如綠窻啖爐芋玉堂文史君抱持
俛寒對飲琥珀釀屏風自倚芙蓉肌
伊嚶孰當蹇皆客局但我亦雞窠鬼
刺繡真慚倚市闌逢年豈暇憂農時
衝泥難曳阮家屐局戶始下江都帷

涓流徒想潤督井一暴那得迴春姿
誦君硬語未可敵
蔡州軍氣酣淋漓狡焉尚欲洒餘墨
一一鷗影橫前輝
跳梁偶效運礎暴
突陣莫更征
昌披玉帛室虛饒
牽竭師來惟有不介
馳牕曦漸出待
采輟簷雷可聽
思浮危君應出較
謝莊袂盧前王
浚相肩隨開門
大笑西眼白
茫茫一望吾何之

周沆東

澧

編修引假南去登金山遊眺出坐寺

門松下而歿事聞京師各弔以詩

浮玉螺烟刺眼青
衲衣誰果乞山靈
登樓人影高寒出
落手濤聲上界聽
逝者如斯心自省
歸歟何處夢初醒

無頭石上尋僧語笑指來舟一葉萍

頓覺塵緣一點無文星當盡落江孤已拋隻履忘枯葦
能正斜衾賴老奴入世何憑終化蝶事親難得那如鳥
誰齋鏡具稱知己只中冷冰一區

西清伯仲注鵠原紫陌青雲憶共鶩龍出瀛池先失尾
鶴歸遼海豈無言文章白雪傳圭璧子弟烏衣接鷲鶴
成佛生天等閒事不勞宋玉與招魂

宰官身幻現仍歲木樛躑穿兩膝當舊在還依金粟佛
新祠宜配水仙王風烟自可全靈氣富貴誰真返故鄉
料得家山潮起夜泪痕多少落錢唐